

ՀՀ քաղաքաշինության կոմիտե



ՀՀ քաղաքաշինության կոմիտեի նախագահի կոռուպցիոն սխեմաները

Երևան 2021

Ով է՞ Վահագն Վերմիշյանը

Վահագն Վերմիշյանը 2019թ. մարտի 21-ին ՀՀ կառավարության որոշմամբ նշանակվել է ՀՀ քաղաքաշինության կոմիտեի նախագահ:

1987թ. - «Հայպետնախագծի» ճարտարապետ:

1989-1991թթ. - Ստեփանավան քաղաքի գլխավոր ճարտարապետ:

1996-1995թթ. - «Կարավլ» ԲԲԸ գլխավոր տնօրեն, Մանկտ Պետերբուրգ:

1996-2005թթ. - «Պետրոսպետրոյ» ԲԲԸ գլխավոր տնօրեն:

2013-2014 թթ. - «Ավտոդորպրոեկտ» ընկերության գլխավոր տնօրեն:

2005թ. - «ՎԵԿ պրոեկտ» ԲԲԸ գլխավոր տնօրեն:

2014թ. - Օրյոլի մարզի գլխավոր ճարտարապետ:

2017 -2018թթ. Երևանի քաղաքապետի Տարոն Մարգարյանի խորհրդական՝ հասարակական հիմունքներով (Վահագն Վերմիշյանը նախկին քաղաքապետ Տարոն Մարգարյանի հասարակական հիմունքներով խորհրդական է աշխատել, որը փոխհատուցվել է Վերմիշյանների ընտանիքին օբյեկտի կառուցման համար Վերնիսաժի տարածքում տեղ հատկացնելով, ուր Վերմիշյանը թուրքական «Դուռում» անվանումով շաուրմայի կետ է կառուցել՝ քաղաքային գազոնի տեղում: Պետական ռեզիստորում քաղաքային գազոնի տեղում կառուցված օբյեկտը գրանցված է Ռուսաստանի բնակիչներ Մուսաննա և Արամ Վերմիշյանների անունով):

2019թ.- ՀՀ Քաղաքաշինության կոմիտեի նախագահն է:

2019թ. մարտի 21-ից Վահագն Վերմիշյանը զբաղեցրել է ՀՀ քաղաքաշինության կոմիտեի նախագահի պաշտոնը, հաշվետու լինելով ՀՀ կառավարությանը և ՀՀ վարչապետին, օժտված լինելով իր իրավասության սահմաններում առանց լիազորագրի հանդես գալ Հայաստանի Հանրապետության անունից, իրականացնել Կոմիտեի ենթակայությանը հանձնված կազմակերպությունների և հիմնարկների կառավարումը, հանձնարարականներ և ցուցումներ տալ Կոմիտեի կառուցվածքային ստորաբաժանումների, ենթակա կազմակերպությունների և հիմնարկների ղեկավարներին, Կոմիտեի ղեկավարի տեղակալին և գլխավոր քարտուղարին, օրենքով կամ կանոնադրությամբ նախատեսված դեպքերում նշանակել և ազատել Կոմիտեի համապատասխան աշխատողներին, նրանց նկատմամբ կիրառել խրախուսման միջոցներ և նշանակել կարգապահական տույժեր, ճարտարապետության և շինարարության բնագավառում ավանդ ունեցող անձանց շնորհել Կոմիտեի հուշամեդալներ, պատվոգրեր, շնորհակալագրեր, պատասխանատու լինելով Կոմիտեի առջև դրված խնդիրների ու գործառնությունների պատշաճ իրականացման համար, այդ թվում՝ վերահսկել քաղաքաշինական պետական, տարածական զարգացման ծրագրերի մշակումն և դրանց իրականացումը, քաղաքաշինության բնագավառի զարգացման ապահովող և գործունեությունը կարգավորող օրենքների և այլ իրավական ակտերի նախագծերի մշակումը, շինարարության կազմակերպման և գնագոյացման նորմատիվատեխնիկական փաստաթղթերի արդիականացման և մշակման կազմակերպումը, պետություն- մասնավոր հատված համագործակցության շրջանակներում քաղաքաշինական, ճարտարապետական և լանդշաֆտային համալիրների կառուցապատման ներդրումային ծրագրերի իրականացմանն աջակցությունը և այլն, « ՀՀ պետական պարզվածների և պատվավոր կոչումների մասին» ՀՀ օրենքի 5,1 հոդվածի 2-րդ մասով սահմանված կարգով օժտված լինելով դիմելու ՀՀ վարչապետին ՀՀ պատվավոր կոչում շնորհելու վերաբերյալ միջնորդություն ներկայացնելու մասին առաջարկությամբ, հետևաբար մշտապես, ինչպես

նաև առանձին լիազորություններով պետական մարմնում հանդիսանալով կազմակերպման- տնօրինչական, վարչատնտեսական գործառույթներ իրականացնող պաշտոնատար անձ:

2019թ. սեպտեմբերից մինչև 05.02.2020թ. ընկած ժամանակահատվածում իր պաշտոնական դիրքը ծառայության շահերին հակառակ օգտագործելով չարաշահել է իր պաշտոնական լիազորությունները, խախտելով « Հանրային ծառայության մասին» ՀՀ օրենքի 31-րդ հոդվածի պահանջները առ այն, որ հանրային պաշտոն զբաղեցնող անձինք և հանրային ծառայողները չեն կարող զբաղեցնել որևէ պաշտոն առևտրային կազմակերպություններում, զբաղվել ձեռնարկատիրական գործունեությամբ, կատարել վճարովի այլ աշխատանք, բացի գիտական, կրթական և ստեղծագործական աշխատանքից, ապօրինի մասնակցել է ձեռնարկատիրական գործունեությանը, ինչպես նաև ստացել է խոշոր և առանձնապես խոշոր չափերի հասնող կաշարք, պաշտոնական դիրքն օգտագործելով խարդախությամբ հափշտակել ուրիշի՝ խոշոր չափերի հասնող գույքը:

- Կազմակերպական -տնօրինչական և վարչատնտեսական գործառույթներով օժտված, պաշտոնատար անձ հանդիսացող Վահագն Վերմիշյանը, պատասխանատու լինելով Կոմիտեի առջև դրված խնդիրների ու գործառույթների պատշաճ իրականացման համար, պաշտոնական լիազորությունները ծառայության շահերին հակառակ օգտագործելով, շահադիտական, անձնական այլ շահագրգռվածությունից և խմբային շահերից ելնելով, իր հետ մտերիմ հարաբերությունների մեջ գտնվող Նատալիա Անդրեյի Չեռնիկովայի կողմից 2019թ. մայիսի 16-ին հիմնադրած, ձեռնարկատիրական գործունեությամբ զբաղվող ճարտարապետական և նախագծային աշխատանքներ կատարող «Մոսս Գռուպ» ՍՊԸ կառավարմանը առավել արդյունավետ մասնակցություն ունենալու, նույն կազմակերպությանն արտոնություններ և առավելություններ տրամադրելու կամ այլ ձևով հովանավորելու, ինչպես Նատալիա Չեռնիկովայի օժանդակությամբ, այնպես էլ անձամբ այդ ընկերության անունով նախագծային աշխատանքներ կատարելու և արդյունքում նյութական օգուտներ ստանալու համար, 2019 հոկտեմբերի 15-ին, Նատալիա Չեռնիկովայի հետ ձեռք բերված նախնական պայմանավորվածության համաձայն և իր կողմից ՀՀ քաղաքաշինության կոմիտեի գլխավոր քարտուղար Արամ Մկրտչյանին տրված բանավոր ցուցումի հիման վրա, որոշակի ժամկետով աշխատանքային պայմանագիր է կնքել «Մոսս Գռուպ» ՍՊԸ տնօրեն Նատալիա Չեռնիկովայի հետ, որով վերջինն ամսական 314,165 ՀՀ դրամ աշխատավարձով ընդունվել է աշխատանքի ՀՀ քաղաքաշինության կոմիտեում՝ որպես միջազգային համագործակցության և կառուցապատման ներդրումային ծրագրերի վարչության պետի խարհրդական:

Աշխատանքի ընդունելուց հետո Վահագն Վերմիշյանը «Մոսս Գռուպ» ՍՊԸ գործունեությունն առավել արդյունավետ և առանց խոչընդոտների կազմակերպելու նպատակով, ցուցում է տվել ՀՀ քաղաքաշինության կոմիտեի միջազգային համագործակցության և կառուցապատման ներդրումային ծրագրերի վարչության պետ Արման Մեսրոպի Հարությունյանին, որպեսզի վերջինը իր մտերիմի՝ Նատալիա Չեռնիկովայի նկատմամբ աշխատանքային հսկողություն չսահմանի, նրան ազատի գործառնական պարտականությունների կատարումից, նրա նկատմամբ սահմանի աշխատանքի հաճախելու և աշխատանքային օրն ավարտելու ազատ գրաֆիկ, որպիսի գործողություններով ապահովել է Նատալիա Չեռնիկովայի կողմից ձեռնարկատիրական գործունեության իրականացման համար անհրաժեշտ և շահույթ ստանալու ուղղված՝ «Մոսս Գռուպ» ՍՊԸ տրված նախագծային պատվերների կատարումը՝ միաժամանակ բարենպաստ միջավայր ստեղծելով, որ Նատալիա Չեռնիկովան, կնքված աշխատանքային պայմաններով սահմանված աշխատանքային պարտականությունները չկատարելու պայմաններում ստանա ամսական աշխատավարձ և ձեռնարկատիրական

գործունեության իրականացման համար անհրաժեշտ աշխատանքային հարմարավետ պայմաններ, որպիսի հանգամանքներում՝ 2019 թ. հոկտեմբերից մինչև 2020թ. փետրվարի 5-ը ընկած ժամանակահատվածում Նատալիա Չեռնիկովան պետական միջոցներից անհիմն ստացել է ընդհանուր 1 478 483 ՀՀ դրամ աշխատավարձ և դրան հավասարեցված վճարներ՝ փաստացի չկատարելով ՀՀ քաղաքաշինության կոմիտեի գործառույթային պարտականություններից բխող աշխատանքները, որն էական վնաս է պատճառել պետության օրինական շահերին:

Դրանից հետո, Վահագն Վերմիշյանն մասնակցելով «Մոսս Գոուպ» ՍՊԸ կառավարմանը, Նատալյա Չեռնիկովայի կողմից խորհուրդներ, ցուցումներ, տեղեկատվություն և միջոցներ տրամադրելու, հանցավոր ճանապարհով ձեռք բերված եկամտները պարտակելու եղանակներով օժանդակությունը ստանալու պայմաններում, օրենքի խախտմամբ ձեռնարկատիրական գործունեությամբ զբաղվելու ընթացքում, էսքիզային նախագծեր պատրաստելիս և ճարտարապետահատակագծային առաջադրանքները Երևանի քաղաքապետարանի կողմից անխոչընդոտ ստանալու ու այդ կերպ Նատալիա Չեռնիկովայի անվամբ գրանցված ձեռնարկատիրական գործունեությամբ զբաղվող ընկերության հեղինակությունը բարձրացնելու նպատակով, օգտագործելով նույն գործունեությամբ զբաղվող այլ կազմակերպությունների նկատմամբ ունեցած՝ ՀՀ քաղաքաշինության կոմիտեի նախագահի հովանավորչությունից բխող հնարավորություններն ու առավելությունները, Վահագն Վերմիշյանը ինչպես անձամբ, այնպես էլ իր ենթակայության տակ գտնվող աշխատողներին ապօրինի հրահանգներ և հանձնարարականներ տալու և նրանց մի շարք աշխատանքներում ներգրավելու միջոցով ապահովել է, որպեսզի վերջինները կազմակերպեն և մասնակցեն Երևանի քաղաքապետարանի պաշտոնատար անձանց հետ մասնագիտական քննարկումներին, նրանց մոտ ընդունելի դարձնեն «Մոսս Գոուպ» ՍՊԸ առաջ քաշած տեսակետները ու մասնագիտական կարծիքները՝ այդ կերպ այս ու մի շարք այլ եղանակներով կազմակերպել, որպեսզի նույն ընկերության կողմից կազմված էսքիզային նախագծերը պատասխանատու պաշտոնատար անձանց կողմից ընդունելի համարվեն և դրանցում կամ առհասարակ փոփոխություններ չկատարվեն կամ՝ հնարավորության սահմաններում քիչ փոփոխություններ կատարվեն՝ վերջնական արդյունքում նպաստելու բարենպաստ որոշումների կայացմանը, այն է՝ Երևանի քաղաքապետարանի կողմից ընկերության ծառայություններից օգտվող անձանց և կազմակերպություններին ճարտարապետահատակագծային առաջադրանքների անխոչընդոտ և հնարավորինս սեղմ ժամկետներում տրամադրելը: Վահագն Վերմիշյանը, ձեռնամուխ լինելով ձեռնարկատիրական գործունեություն իրականացնող կազմակերպությանը արտոնություններ և առավելություններ տրամադրելու՝ հովանավորելու միջոցով դրա կառավարմանը մասնակցելուն, «Մոսս Գոուպ» ՍՊԸ ծառայություններից օգտվող և պատվիրատու հանդիսացող Երևան քաղաքի Դավիթաշենի 2րդ թաղամաս 22/3 հասցեում կառուցապատման աշխատանքներ կատարող Բագրատ Գագիկի Խաչատրյանի օգտին գործողություններ կատարելու և այդ եղանակով իր հովանավորչության տակ գտնվող և նույն գործունեությամբ զբաղվող այլ կազմակերպությունների նկատմամբ «Մոսս Գոուպ» ՍՊԸ ունեցած՝ ՀՀ քաղաքաշինության կոմիտեի նախագահի հովանավորչությունից բխող հնարավորություններն ու առավելություններն օգտագործելով, անձամբ վերահսկել է Բագրատ Խաչատրյանի նախաձեռնած շինարարական աշխատանքների նախագծերի կազմակերպման գործընթացը, ինչպես նաև իր հեղինակությունն օգտագործելով և Երևանի քաղաքապետարանի պաշտոնատար անձանց, այդ թվում՝ Երևանի գլխավոր ճարտարապետ Արթուր Մեսյանին և Երևանի քաղաքապետարանի աշխատակազմի քաղաքաշինական գործունեության հատուկ կարգավորման ծրագրերի բաժնի պետի պաշտոնակատար

Անդրանիկ Մեղոյանին մոլորության մեջ գցելով, ինչպես անձամբ, այնպես էլ իր հանձնարարությամբ ՀՀ քաղաքաշինության կոմիտեի իրավաբանական վարչության պետ Խաչատուր Ղալթախյանի միջոցով, Երևանի քաղաքապետարանի հիշյալ պաշտոնատար անձանց հետ պարբերաբար հանդիպումներ և քննարկումներ ունենալու շնորհիվ, վերջինի կողմից Վահագն Վերմիշյանի հանձնարարությունների շրջանակում Բագրատ Խաչատրյանին անհրաժեշտ փաստաթղթերի ապահովման գործընթացում մասնագիտական և այլ օգնություն ցուցաբերելու պայմաններում, ապահովել է, որպեսզի հիշյալ հասցեի ճարտարապետահատակագծային առաջադրանքը ստացվի սեղմ ժամկետներում, դրա էսքիզային նախագծերում հնարավորինս քիչ փոփոխություններ կատարվեն և վերջնական արդյունքում քաղաքացի Բագրատ Խաչատրյանին առանց խոչընդոտների տրամադրվի ճարտարապետահատակագծային առաջադրանք, որն էլ փաստացի կատարվել է, իսկ դրա դիմաց՝ 25 100 000 ՀՀ դրամ գումարը, որպես մատուցված ծառայությունների դիմաց վճարման ենթակա գումար, նախապես քննարկվել և փոխադարձ համաձայնությամբ որոշվել է Նատալյա Չեռնիկովայի և Վահագն Վերմիշյանի կողմից:

- Վահագն Վերմիշյանը նույն ձեռնարկատիրական գործունեության կառավարմանը մասնակցելու դիտավորությամբ տեղեկացված լինելով որ իր հետ մտերիմ հարաբերությունների մեջ գտնվող Ջոն Մուրենի Ֆարխոյանի ընտանիքին և նրա ընկերոջ՝ Հարություն Բադաջյանին պատկանող Երևան քաղաքի Հանրապետության 61 հասցեում գտնվող շենքի վերջին երեք հարկերի շինարարական և կառուցապատման աշխատանքների համար անհրաժեշտ նախագծեր կազմելու անհրաժեշտության մասին ուղորդել է վերջինին օգտվելու փաստացի իր կառավարման ներքո գտնվող և Նատալյա Չեռնիկովայի անվամբ գրանցված «Մոսս Գոուպ» ՍՊԸ, որպիսի համաձայնություն ստանալուց հետո 26.12.2019թ. 2 500 000 ՀՀ դրամ արժեքով «Մոսս Գոուպ» ՍՊԸ և «Լ Զառա» ՍՊԸ-ի միջև կնքվել է «նախագծային ծառայության մատուցման» պայմանագիր, որի մի մասը՝ 1 500 000 ՀՀ դրամը Վահագն Վերմիշյանի միջնորդությամբ «Մոսս Գոուպ» ՍՊԸ հաշվեհամարին փոխանցվելուց հետո՝ Նատալյա Չեռնիկովայի կողմից բանկային քարտով հանձնվել է Վահագն Վերմիշյանին՝ համատեղ օգտագործելու նպատակով, իսկ Վահագն Վերմիշյանն ինչպես անձամբ, այնպես էլ Նատալյա Չեռնիկովայի միջոցով պատրաստել է պահանջվող նախագծեր և դրանք փոխանցել պատվիրատուներին: Անհրաժեշտ է հավելել որ ՀՀ Քննչական կոմիտեի Երևանի քննչական վարչության պետ Ջոն Ֆարխոյանը մտերիմ հարաբերությունների մեջ գտնվելով Վահագն Վերմիշյանի հետ, նպատակ ունենալով նպաստել իր ընտանիքին պատկանող և որդու Ռաֆայել Ջոնի Ֆարխոյանի անվամբ գրանցված Երևան քաղաքի Աճառյան փոխոցի 39/22, 39/23, 39/24 և 39/25 հասցեներում կառուցվելիք բազմաբնակարան շենքերի շինարարական և կառուցապատման աշխատանքների անխոչընդոտ և դրանց փաստաթղթային ձևակերպումների՝ սեղմ ժամկետներում ապահովման գործընթացը 2019 թ. սեպտեմբեր ամսվա ընթացքում դիմել է Վահագն Վերմիշյանին և վերջինս իր պաշտոնական դիրքը չարաշահելով և պաշտոնից բխող հեղինակությունն օգտագործելով կազմակերպել է Ֆարխոյանին անհրաժեշտ գործընթացը: Վահագն Վերմիշյանը Ջոն Ֆարխոյանի ցուցումը կատարելու համար կաշառք ստանալով իր շահից ելնելով իր պաշտոնական դիրքը ծառայության շահերին հակառակ օգտագործելով՝ ՀՀ քաղաքաշինության կոմիտեի միջազգային համագործակցության և կառուցապատման ներդրումային ծրագրերի վարչության առաջատար մասնագետ Դավար Հերայրի Բաբախանյանցին բանավոր հանձնարարական է տվել կազմել վերը հիշատակված հողատարածքում բազմաբնակարան շենքերի շինարարական և կառուցապատման աշխատանքների համար անհրաժեշտ էսքիզային նախագծերը որից հետո՝ Վահագն Վերմիշյանից ծառայողական կախվածության մեջ գտնվող աշխատակիցը, հայտնվելով մոլորության մեջ անմիջապես ձեռնամուխ է եղել

իրեն տրված հանձնարարականի կատարմանը և իր աշխատաժամանակն ու ռեսուրսները ներդրել է մասնավոր անձանց՝ Ֆարխոյանների կողմից նախատեսվող շինարարական և կառուցապատման աշխատանքների համար անհրաժեշտ էսքիզային նախագծերի պատրաստմանը՝ այդ ընթացքում չկատարելով իր պարտականությունները և 2019թ. սեպտեմբերի 20-ին արդեն պատրաստի էսքիզային նախագծերի փաթեթը հանձնելով Վերմիշյանին: Նույն օրը Ջոն Ֆարխոյանը տեղեկանալով, որ Վերմիշյանը ըստ պայմանավորվածության կատարել է իր խնդրանքը՝ 27.09.2019թ. Երևան քաղաքի Բյուզանդ փողոցի «Ռամադա» հյուրանոցի մոտ հանդիպել է Վերմիշյանին և վերջինին տվել է խոշոր չափի՝ 952 000/ 2000 ԱՄՆ դոլար/ գումար կաշառք: Կաշառքի դիմաց Վերմիշյանը բազմիցս հեռախոսազրույցներ և քննարկումներ է ունեցել Երևանի քաղաքապետարանի բարձրաստիճան պաշտոնատար անձանց՝ այդ թվում գլխավոր ճարտարապետ Արթուր Մեսչյանի, Երևանի քաղաքապետարանի աշխատակազմի քաղաքաշինական գործունեության հատուկ կարգավորման ծրագրերի բաժնի պետ Անդրանիկ Սեդոյանի հետ՝ վերջիններին համոզելու եղանակով փորձելով ձեռնպահ պահել կազմված նախագծային փաստաթղթերում փոփոխություններ կատարելուց, ինչպես նաև իրականությանը չհամապատասխանող տեղեկություններ հայտնել այն մասին, որ բազմաբնակարան շենքերի համալիրի կառուցումը ներառված է պետական աջակցության ծրագրում, իբր այն գտնվում է ուժային կառույցների ուշադրության ներքո և որ նախագծման թույլտվությունը պետք է ներկայացվի և քննարկվի ՀՀ կառավարության նիստին՝ դրանով իսկ պայմաններ ստեղծելով հիշյալ թույլտվությունը հնարավորինս սեղմ ժամկետներում տրամադրելու համար, որպիսի գործողությունների արդյունքում՝ 26.11.2019թ. Երևանի քաղաքապետի ստորագրությամբ տրամադրվել է թիվ 01/18-07/1-Ֆ-186-1207 նախագծման թույլտվությունը: Ջոն Ֆարխոյանը հանդիսանալով պաշտոնատար անձ՝ Վահագն Վերմիշյանին տվել իսկ վերջինս ստացել է խոշոր չափերի կաշառք, ինչպես նաև անձնական շահից ելնելով իր պաշտոնական դիրքը օգտագործել է ծառայության շահերին հակառակ, վնաս պատճառելով պետության օրինական շահերին:

- Վահագն Վերմիշյանը ստացել է կաշառք նաև Վազգեն Պողոսյանից և Գագիկ Գալստյանից:

Վազգեն Պողոսյանը հանդիսանալով շինարարական կառուցապատման աշխատանքներ ծավալող՝ Երևան Շին՝ ՓԲԸ խորհրդի նախագահ, մտերիմ հարաբերություններ ունենալով՝ Շինարարների միության՝ ՀԿ նախագահ, շինարարական և կառուցապատման աշխատանքներ ծավալող՝ Հորիզոն-95՝ ՍՊԸ տնօրեն Գագիկ Գալստյանի հետ, նպատակ ունենալով ստանալու պետական և մասնավոր պատվերները՝ Երևան Շին՝ և՛ Հորիզոն-95՝ ընկերություններին տրամադրելու վերջիններիս ձեռնարկատիրական գործունեությանը նպաստելու և շահույթ ապահովվելու նպատակով 2019թ. օգոստոսին դիմել են Վահագն Վերմիշյանին, որպեսզի վերջինս պաշտոնից բխող իր հեղինակությունն օգտագործի ի շահ իրենց: Վերջիններիս հետ համաձայնություն ձեռք բերելով, Վերմիշյանը 17.09.2019թ. ՀՀ վարչապետին ներկայացրել է Վազգեն Պողոսյանին ՀՀ վաստակավոր շինարարի պատվավոր կոչում շնորհելու միջնորդություն: Գագիկ Գալստյանը նախնական համաձայնության գալով Վազգեն Պողոսյանի հետ, 23.10.2019թ. ժամը 16:30-ի սահմաններում, այցելել է ՀՀ կառավարության թիվ 3 մասնաշենքում գտնվող Վահագն Վերմիշյանի աշխատասենյակ և հիշյալ նպատակով որպես առանձնապես խոշոր չափերով կաշառք նրան տվել՝ 2 379 950 ՀՀ դրամ / 5000 ԱՄՆ դոլար/ գումար խոստանալով ցանկալի նպատակների հասնելու դեպքում ավելացնել որպես կաշառք տրված գումարի չափը: Վահագն Վերմիշյանը ստանալով կաշառքը իր հովանավորյալ Նատալյա Չեռնիկովային տվել է ստացած կաշառքի գումարի մի մասը՝ 500

ԱՄՆ դոլարը, միաժամանակ՝ իր հետագա պաշտոնավարման ժամանակահատվածում միջոցներ ձեռնարկելով կատարելու կաշառքի դիմաց տված խոստումները՝ իր տեսադաշտում գտնվող անձանց որպես պատվիրատու ուղորդել է «Հորիզոն-95» շինարարական կազմակերպությանը:

Վահագն Վերմիշյանը այդքանով չի բավարարվել և 03.11.2019թ. և 24.12.2019թ. Գագիկ Գալստյանից և Վազգեն Պողոսյանից պահանջել է իր մտերիմ ՀՀ քաղաքաշինության կոմիտեի միջազգային համագործակցության և կառուցապատման ներդրումային ծրագրերի վարչության պետի խորհրդական Նատալիա Չեռնիկովային պատկանող Արմավիրի մարզի Շահումյան համայնքի Արցախի 2-րդ փողոցի համար 45 առանձնատան կառուցման համար անհրաժեշտ 899 600 ՀՀ դրամ արժողությամբ եվրոպատոհաններ և 204 000 ՀՀ դրամ արժողությամբ եվրոդոներ, իսկ հետագայում՝ նաև առանձնատան ցանկապատի հիմքի կառուցման համար անհրաժեշտ շուրջ 8 խմ մակերեսով, 190 648 ՀՀ դրամ արժողությամբ ապրանքանյութական արժեքներ հանդիսացող բետոնի մատակարարում: Պահանջներն ընդունվել են Գագիկ Գալստյանի և Վազգեն Պողոսյանի կողմից և որպես կաշառք պահանջված հիշյալ գույքը մաս-մաս՝ մինչև 24.12.2019թ., Վազգեն Պողոսյանը՝ դատեր ամուսնու՝ Մուշեղ Ավետիսյանին պատկանող «Ավետիսյան Քոնսթրաքշն» ՍՊԸ միջոցով առանց որևէ վճարի տեղափոխել և տեղադրել է եվրոպատոհաններ ու եվրոդոները, իսկ 25.12.2019թ. Գագիկ Գալստյանը իր կազմակերպության միջոցով կազմակերպել և ապահովել է բետոնի մատակարարումը Նատալիա Չեռնիկովային պատկանող Արմավիրի մարզի Շահումյան համայնքի Արցախի 2-րդ փողոցի համար 45 առանձնատան տարածք՝ այդ կերպ նախնական համաձայնությամբ Վահագն Վերմիշյանին տալով կաշառք՝ ընդհանուր 2 379 950 ԱՄՆ /5000 ԱՄՆ դոլար/ և 1 294 248 ԱՄՆ ապրանքանյութական արժեքներ:

- Վահագն Վերմիշյանը ընդունել է նաև քաղաքացի Ռազմիկ Խուրշուդյանի կողմից իրեն տրված կաշառքի առաջարկը:

Ռազմիկ Խուրշուդյանը 26.12.2019թ. այցելել է Վերմիշյանի աշխատասենյակ և վերջինին խնդրել է աջակցել իրեն սեղմ ժամկետներում և առանց խոչընդոտների օրինականացնել Երևան-Էջմիածին մայրուղու 2/2 հասցեում գտնվող ինքնակամ կառույցը, որի հողատարածքի նպատակային նշանակության փոփոխության վերաբերյալ փաստաթղթային փաթեթը գտնվել է ՀՀ քաղաքաշինության կոմիտեում: Վերմիշյանը այդ գործընթացին դրական լուծում տալու պատրանք ստեղծելով, Ռազմիկ Խուրշուդյանի ներկայությամբ իր աշխատասենյակ է կանչել ՀՀ քաղաքաշինության կոմիտեի ճարտարապետության և քաղաքաշինության վարչության պետի պաշտոնատար Տիգրան Մանուկյանին և ցուցում է տվել վերջինին կազմել հանձնաժողովի դրական եզրակացություն և տալ իր ստորագրմանը՝ չսպասելով հողի նպատակային նշանակության փոփոխության վերաբերյալ միջգերատեսչական հանձնաժողովի կարծիքին: Վերմիշյանը բարենպաստ որոշումների կայացմանը նպաստելու համար, հարմարն առիթն օգտագործելով՝ Ռազմիկ Խուրշուդյանի մոտ խոսակցություն է ծավալել իր մտերիմի՝ ՀՀ քաղաքաշինության կոմիտեի միջազգային համագործակցության և կառուցապատման ներդրումային ծրագրերի վարչության պետի խորհրդական Նատալիա Չեռնիկովայի անվամբ Արմավիրի մարզի Շահումյան համայնքի Արցախի 2-րդ փողոցի համար 45 հասցեում գտնվող առանձնատան ցանկապատի հիմքի կառուցման համար օգտագործված բետոնի՝ իբր անորակ լինելու և այն կառուցապատման համար պիտանի չլինելու վերաբերյալ՝ այդ կերպ Ռազմիկ Խուրշուդյանին քողարկված եղանակով հասկացնելով, որ ինքն ունի որակյալ բետոն ձեռք բերելու անհրաժեշտություն: Խուրշուդյանը լսելով այդ մասին և հասկանալով, որ իր կառույցի օրինականացման գործընթացի հետ կապված ինքն արդեն իսկ կախվածության մեջ է գտնվում Վերմիշյանից իր ներկայացրած

խնդրին լուծում տալու անհրաժեշտությամբ պայմանավորված անձամբ պատրաստակամություն է հայտնել և առաջարկել է առանց գումարի իր միջոցներով կազմակերպել ընդհանուր 24 խմ ծավալով և 571 920 ՀՀ դրամ արժեքով «150 մարկայի» բետոնի մատակարարումը Նատալիա Չեռնիկովայի առանձնատուն:

- Վահագն Վերմիշյանը իր պաշտոնական դիրքն օգտագործելով, խաբեությամբ հափշտակել է նաև քաղաքացի Ջոհրաբ Հովհաննիսյանի գույքը

Վերմիշյանը 2020թ. դեկտեմբերին իր աշխատասենյակում ընդունել է իր ազգական Աշոտ Մուրադյանին և Երևան քաղաքի Ազատության 24/20 հասցեում բազմաբնակարան շենքի կառուցման աշխատանքներ նախաձեռնող Ջոհրաբ Հովհաննիսյանին, ում հետ ունեցած խոսակցության ընթացքում տեղեկանալով, որ ճարտարապետահատակագծային առաջադրանք ստանալու համար Հովհաննիսյանին անհրաժեշտ է էսքիզային նախագիծ, որոշել է պաշտոնական դիրքն օգտագործելով ,խարդախությամբ հափշտակել վերջինի գումարները:Վերմիշյանը տեղեկացված լինելով էսքիզային նախագծերի համար մատուցվող ծառայությունների դիմաց պահանջվող գումարի չափի մասին, նրան խորհուրդ է տվել օգտվել իր հետ մտերիմ հարաբերությունների մեջ գտնվող և նախագծային աշխատանքներ իրականացնող Գագիկ Փանոսյանի ծառայություններից և խաբեությամբ հավաստիացրել է, որ ծառայության դիմաց անհրաժեշտ է վճարել 2 387 150 ՀՀ դրամ- 5000 ԱՄՆ, որի արդյունքում Հովհաննիսյանը, վստահելով վերջինին, տվել է իր համաձայնությունը և որպես կանխավճար Վերմիշյանի պահանջով իր աշխատասենյակում անձամբ վճարել է պահանջվող 5000 ԱՄՆ դոլարի մի մասը՝ 1 193 575-2500 ԱՄՆ դոլար իսկ 2500 ԱՄՆ էսքիզային նախագիծը ստանալուց հետո 2020թ. հունվար ամսին փոխանցել Գագիկ Փանոսյանին:

05.02.2020թ. Վահագն Վերմիշյանը ձերբակալվել է: